



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆԱԴՐԱԿԱՆ ԴԱՏԱՐԱՆԻ ԹԻՎ 1 ԴԱՏԱԿԱՆ ԿԱԶՄԻ  
Ո Ր Ո Շ Ո Ւ Մ Ը

---

Քաղ. Երևան

11 հունիսի 2018թ.

Հայաստանի Հանրապետության սահմանադրական դատարանի թիվ 1  
դատական կազմը՝

Նախագահությամբ՝ Ա. Թունյանի

Անդամակցությամբ՝ Ա. Գյուլումյանի

Ա. Պետրոսյանի

ՌՈՒԲԵՆ ՄԱՆՈՒԿՅԱՆԻ՝ 08.06.2018թ. ՀՀ ՍԱՀՄԱՆԱԴՐԱԿԱՆ ԴԱՏԱՐԱՆ ՆԵՐԿԱ-  
ՑԱՑՐԱԾ ԱՆՀԱՏԱԿԱՆ ԴԻՄՈՒՄԸ ՎԵՐԱԴԱՐՁՆԵԼՈՒ ԿԱՊԱԿՑՈՒԹՅԱՄԲ ԲՈՂՈՔԻ  
ՎԵՐԱԲԵՐՅԱԼ

1. Ռուբեն Մանուկյանի 08.06.2018թ. մուտքագրված դիմումը Սահմանադրական դատարանի կողմից վերադարձվել է այն պատճառաբանությամբ, որ Սահմանադրական դատարանն ընդունելով «Սահմանադրական դատարանի մասին» սահմանադրական օրենքի 69-րդ հոդվածի 3-րդ կետով սահմանված ժամկետը չի պահպանվել (դիմումում նշված են «22» ապրիլի 2010թ. ԱԽ-6-Ո-07 ու «23» դեկտեմբերի 2009թ. քաղ. գործ թիվ ՇԴ/0587/02/09/09... կայացրած ակտերը):

2. Դիմողը վիճարկում է Սահմանադրական դատարանի աշխատակազմի կողմից դիմումը վերադարձնելու հանգամանքը:

3. Ղեկավարվելով «Սահմանադրական դատարանի մասին» սահմանադրական օրենքի 29-րդ հոդվածի 4-րդ մասի պահանջներով՝ ՀՀ սահմանադրական դատարանի թիվ 1 դատական կազմն արձանագրում է, որ «Սահմանադրական դատարանի մասին» սահմանադրական օրենքի 69-րդ հոդվածի 3-րդ մասով նախատեսված 6-ամսյա ժամկետի բացթողման հարցը, ի թիվս այլնի, պետք է քննության առնվի դիմումի ընդունելիության վերաբերյալ որոշում կայացնելիս՝ «Սահմանադրական դատարանի մասին» սահմանադրական օրենքի 28 և 69-րդ հոդվածներով սահմանված կարգով:

Ելնելով վերոգրյալից՝ ՀՀ սահմանադրական դատարանի թիվ 1 դատական կազմը

**Ո Ր Ո Շ Ե Ց .**

Բավարարել Ռուբեն Մանուկյանի բողոքը և դիմումը մուտքագրել Սահմանադրական դատարան:

Նախագահող՝

Դատավորներ՝

11 հունիսի 2018 թվականի

ՍԴԴԿՈ/1-16